

አልአሚን፡ ሰር-ዘመን እት ፈን
ፃይ ክፈል



ኬትባይ፡ መሕሙድ ዑብደለ (አቡ-ኩፊሕ)
መተርጅማይ፡ ዑብደለ መ/ዐሊ (መዐልም)
አረትርየ ሓዳስ

ሔልያይ አልአሚን ዑብደ-ለጠፍ ምነ ምን ንእሾም እት ሐረከት ተሕሪር ኤረትርየ ለትንዘመው ፍራስ ውላድ እለ ዐድ ቱ። ሐቆ መትአሳስ ሰውረት ኤረትርየ ክምሰል ተንዘም ንዳል ተሕሪር እግል እስትቅላል ለናደለ አልአሚን፡ ምሮት እግል ዐዱ ለካፌሕ ወለትትቀደሩ ለወዴ እበ ገበይ ምስጢር ዐለት እሉ። ወቀይ ተንዘም እንዴ ትከበተ ለአልተዘመ ወለትትቀደሩ ለአውቀ ፋርሰቱ ለዐለ። ወእብሊ አሰባብ እሊ ህዩ እግል ብዙሕ አውቃት እት መሻክል ትከረ ወሰሶ ወክድ ትሰጅ። እግል መርሐም ሔልያይ አልአሚን ሰብ አከይ ደሚር ወአከይ ንዩት ሰሚቱ እግል ልሸውሆ ወምነ ዐለ እተ ገበይ ንዳል ተሕሪር፡ ብዕደት ገበይ እግል ለሆቡመ ስታቲብ ሰበት ወደው ለትትቀደሮም አውቀው። እት ደንገበ ህዩ በዐል ሰብር ወአማን ሰበት ልትዐውት ህቱ ተዐወተ።

እሊ ህዩ ሔልያይ አልአሚን ዑብደ-ለጠፍ እብ ሰብብለ “ሐቆኪ ኢትትነበር አስመረ” ለትብል ሕላዩቱ ሰጁን እት እንቱ ናይለ ወቅት ለህይ መስኡል ፍዳእዩን ለዐለ መለሀዩ ንጉሴ ህይሌ መንሰዓይ፡ አልአሚን እት ቅያቡ ሕክም ቀትል አው ሸንቆ ንሱእ ክምሰል ህለ ኣመረ። አልአሚን ምነ ሰጅን ክምሰል ፈግረ እንዴ ኢለዓርፍ አስክ ቤት መለሀዩ ንጉሴ ህይሌ መንሰዓይ ጌሰ ወክምሰል መጸአ ጀብሀት ተሕሪር ድዱ ሕክም ሸንቆ እብ ቅያቡ እፍግርት ክምሰል ህሌት አሰአለዩ። እሊ ጋር እሊ ሰካብ ወቅሳን ከልአዩ፡ ምነ ፈትየ ወለለሐሸመ ጀብሀት ወተንዘም እብ ግብአቱመ

ዝያድ አትሐረቀዩ ወአፍረሀዩ። ወላመ ሰብብ ኢትካመረ እግሉ። ዕምሩ አክል ኡዳም እንዴ ኢተምም እግል ወቀይ ተንዘም ወመንሹራቱ እት ወዜዕ ለአወቅዩ ለዐለ ወቀይ አዜ እለ ምሰዳር እለ ድዱ እግል ትትነሰእ አርወሐቱ አሚነ እግሉ አቤት።

ወእት ደንገበ ሕዩር እት እንቱ ምሰል ነፍሱ እግል ልሻውር ወልትጋሚ ወአርወሐቱ እብ አዩ ገበይ ለአሰልም ወበር'እ እተ ፈከረ። ምሰለ ዐለ እግሉ አማነት ወደማነት ነፍሱ ህዩ እብ ሸፋግ ቀደም ናዮም ምሰዳር ቀትል አርወሐቱ ለበርእ እበ ገበይ እግል ልሕዜ ሃፈተ። ከምሰል እለ ከጥወት እለ ምነ ፈትዩ ለዐለ ተንዘም እግል ትዋጅሁ ልትጸበር ምንመ ይዐለ። ምን ከረ ንጉሴ ህይሌ መንሰዳይ ሐቆ ሰምዐዩ ላቱ አማን ክምሰልተ ትዮቀነ። ወንጉሴ እት ረአሱ ምሰዳር ቀትል እንዴ ኢትትነሰእ እብ ሸፋግ ምን ኤረትርዩ እግል ልፍገር ክምሰልቡ ነሰሐዩ። ወህቱመ እተ ናዩ ረአይ እንዴ ዋፈቀ አሰክ ኡዲሰ አበበ ሳፈረ። ወእት ኡዲሰ አበበ ሐቆለ በጽሐ ህዩ እለ ለተሌ ሕላዮት አፍገረ። “ዐምሳት ህሌት ውላደ ለአርኤ” ለትብል ሕላዮት ሐለ። ወእት ሸሪከት ሆለንድዮት እተ አዝበዩ። ወሐቆህ አሰክ ሰፈር ሰውድዩ ወሐጃጃት ሐሰበ ወሰውድዩ ጌሰ። እግለ አሰክ ኡዲሰ አበበ ተክሊፈት ሰፈር ለደፍዐ እሉ ህዩ መልህዩ ንጉሴ ህይሌ መንሰዳይቱ። ወእግል እለ ትህመት ጀሰሶት እግል ትትወጀህ እቱ ለአቅደረዩ ጋር ህዩ ሐሬ አመረዩ። ወለከይነት እብ ቅንእ ወአከይ ደሚር ገሌ ሔልዮት ክምሰልታመ ሐሬ አመረ።

ጀብሀት ተሕሪር ኤረትርዩ ፍርቀት እግል ትከውን ሓሰበት ዐለት። ወእለ ፍርቀት እለ እግል ትከውን ህዩ እግለ እት አሰመረ ትሩድ ተጃርብ ወአምር ለዐለ እግሎም ፈናኔን እግል ትነዝም ሐዜት። ከእብሊ አሰባብ እሊ ህዩ እግል እለ ምህመት እለ ለትሐረው ዎርት ለዐቢ ሔልያይ አቶብርሃን ሰጊድ ወካልአዩ አልአሚን ዐብዱለጢፍ ሐሬት ወእሶም ትሰአለት። ህቶም ህዩ እሊ ለተሌ በሊሰ ሀበዎም፡ “አቶብርሃን ሰጊድ እናሰ ሰክራን ወቅድረት ምሰጢር ለአለቡ ወምህመትኩም እግል ለአንጄሕ ለኢቀድርቱ ወአልአሚን ዐብዱለጢፍ እናሰ ጃሱሰ ምሰል አቶብዩ እብ ገበይ ዐሚል ለሸቄ ወመሰደሰ ለህዩብቱ” ቤለውም። ወእብለ እግል አልአሚን እት ኢሸቅሉ ወኢውዳዩ አውዐለዉ።

እለ ሐሰት ፈብረከት እግል ረመዳን ገብራይ ተህየበት ወረመዳን እንዴ ትከበተዩ አሰክ ቅያደት ሰውረት ሓለፈዩ ወቅያደት ሰውረት እምበል አኪደት አማውር ቀትል ሓለፈት እቱ። አሳሰ ናይ እለ ሐሰት እለ ህዩ ሓሰድ ወርሶሕ ደሚር ወቅንእ ሌጣቱ እንዲኢኮን፡ ሐቱመ አማን ወእሰባት ይዐለ እግሉ። ላመ ቅሰትለ መሰደሰ ክእኒ ትመሰል። እተ ወቅት ለህይ ሓክም ትግራይ ለዐለ ልኡል ረእሲ መንገሽ ሰዩም ለልትበህል ዎርት ምነ እብ ሐልዮት አልአሚን ለልትዐጀቦ ወለፈቱ ሰበት ዐለ፡ ለምሰሉ ዐለት እግሉ ዕላቀት፡ እበ ለቀነኦ ሰበት ኢልትሰአኖ እግል ደሐኑ ወሰላመቱ ነፍሱ እግል ልዕቀብ እንዴ ቤለ ለሀበዩቱ። ምሰል እሊመ ለትፈናተ ህያባት ልትህየብ ዐለ። ወእግለ ናዩ ሐልዮት ልትረዩሕ ወልትዐጀብ እቡ ዐለ። ከእብሊቱ አልአሚን

መሰደስ ለተሀዩበ ወበዐል ሰለሕ ለገብአ እንዲኢኮን፡ መባጥሩ እት ኣካት ዐለ። እሊ ህዩ ሸይ ህቱ ለኢትጸበረዩ እንዴ ገብአ ትረአዩ፡ ሰበት እሊ መርገም እንዴ ገብአ ትፈሀመዩ።

አልአሚን እለ አማን እለ እግል ልድሌ ህዩ ገበይ ረያም ወመክረሀት ካተረ ወእት ሚዳን ክምሰል በጽሐ ኣመረዩ። ላኪን ለሰሊመት ዐለት እዴህ ሐቆ ከሰሐት ወለ ሸርፍት ዐለት ሰምዐቱ ወሰሚቱ ሐቆ ተሐምረገት ሚ እግል ትንፍዑ። አሰናይ ህዩ ቀደም ምስዳርም ምስዳሩ ሸፍገት ወተዐወተት። ሚ ገብእ ወገብአ እት ረአሱ ምስዳር ቀትል ንሰአት ምንዲ ተዐሌ? ህቱ ወሞተ ወሰሚቱ እብ ጃሱስ ወትአመረት። ምሮትመ ወይበረአዩ። ሸዑብ ኤረትርዩ ህዩ ፈታይ ፈንቱ ለዐለ ወለ ህለ። እብ ፍንቱይ ህዩ ምን ሕምሳታት እንዴ እንበተ እብ ገበይ ሞወርት ለዘት ፈን እግል ለአዳወር አሰተብደ። እት ሰብዓታት ህዩ ኣለት ሐዳስ ሰበት ትመሀዘት፡ አክል አድሕድ ለዘቱ ደለ ወመዕነቱ ፈሀመ። ከእግል ሻም፡ ፍርሰነት፡ ሐጠር፡ ኢመትሐላል ወመሓረበት ዓዳት ባሊ ልትነፈዕ እቡ ዐለ ወህለ ኣዜመ። እሊ ህዩ እት ኤረትርዩ እንዴ ኢገብእ፡ እት ኩለ ቃረት አፍሪቅያ ቱ። መሰለን እት ግዋሬነ ሱዳን ፈናኔን ዐባዩ ከረ አሕመድ ሙስጠፈ፡ ሰይድ ከሊፈ፡ ዑስማን ሐሴን ወመሐመድ ወርዲ ዘሀረው። ወእት ኤረትርያመ ከምሰልሁ ከረ ዑስማን ዑብዱረሐም፡ አቶብርሃን ሰጊድ፡ በረከት መንግስተኣብ ወእስታዝ አልአሚን ዑብዱለጢፍ እብ ክልኤ ለዐባዩ ሀገጊት ዐድነ ለልሐሌ ወእንጂኔር አሰገዶም ዘሀረው። ክምሰልሁመ እት አዲስ አበባ ከረ ሐልያይ ዩንስ ኢብራሂም፡ ተበርህ ተሰፋሁነይ፡ መሐመድ ብርሃን ዓጠ ወብዕዳም ዐለው። ሸዑብ ኤረትርዩ ህዩ እተ ወቅት ለህይ እብ አክባር ሰውረቱ ቱ ሹቁል ለዐለ። ወላመ ሐልየት እት ሐልየት ወጠኒቶም ልተንከሶ ለዐለው።

ምሰለ እት ረአሶም ተሀንጦጥል ለዐለት ጊመት ፈርሀት ህዩ ዶል ልትሰጀኖ ወዶልመ ልትቀተሎ ወዶልመ እት ዐዛብ ወፈርሀት ነብሮ ዐለው። ላኪን እበ ለኢልትሐለል ደሚርም ወፍክርም እግል ሐቱ ዶልመ ሐር እንዴ ኢልትወለሶ ረአሶም ቀደም ለሄርሮ ዐለው። ሐቆ ጽልመት በርሀት ክምሰል ህሌት ለአምኖ ሰበት ዐለው ህዩ፡ ኩሉ ለሳድፍ መታክል እንዴ ተዐደው እት በርሀት ወሕርየት አማደደው። አልአሚንመ እት ሰነት 1963 ለአተዩ ሰጅን እብ አሰባብ ሐልየት “አነ ልብዬ ብጎህ”፡ “ሰፈላል”፡ “ጸብሐ ጾም”፡ “መፍትሕ” ወብዕድ ዐለ። እብ ህግዩ ጀነራል አማን ዐንዶም ቤለዩ። እሊ ህዩ ሐቆ እንግላብ ሕክም እት ረአስ እምብራጦር ህይሌሰላሴ ጀረ። እብ ቀድየት ኤረትርዩ ሐቆ ትሰአለው እብ ክእነ በልሰ እቶም። “መፍትሕ አው ሐል እግል ንርኩብ እግላቱ” ቤለዩም።

ምን እለ ናዩ ዘዐት እንዴ ነስአ ሸዕር ንጉሴ ህይሌ መንሰዓይ እለ ሕላየት እለ ከትብ ወእግል አልአሚን ሀበዩ እግል ልሕለዩ። “መፍትሕ ዶ ክህበኩም መፍትሐ ንክሉ ንቅሩብ ደቃይቅ ጽን በሉ!” ወእብለ ህዩ ሕነ ሸዑብ ሕነ ምሸክለት ለአለቡ ምሰል ሕሉል (አግቡይ ሰላም፡ እሊ ህዩ አቶብዩ ረቅበት ወንዩት ሰዳቀት ሐቆብ፡ እት ሐል ቀድየት ኤረትርዩ እብ ገበይ መፋሀማት ምሰል ሰውረት ትግበእ ትብል ዐለት።

እላመ ሕላዮት እለ ትመነዐት። መለሀይ ሔልያይ አልአሚን ዐብዱለጢፍ ለዐለ ሻዕር ንጉሴ ሀይሌ መንሰዓይ ሻዕር ፈዳብ ቱ ለዐለ። እብ ፍንቱይ ለእብ ህግዮ ትግርኛ ፈግር ዐለ ሐልዮት ሸዕር ናዩቱ። ከምን እሊ ሸዕር እሊ ለአፍረዩ ሐልዮት እብ ውሕደት እብ ዲን ወቀባይል ወሉቃት ኢንትፈናቴ ለትትላኬ ሕላዮት አቶብርሃን ሰጊድ ናይ እሊ ፈዳብ ሻዕርተ። “እሰላማይ ክሰታናይ ወዲ ቀለ ደጋ ንምክሪ ጸላኢ አይነሃዮ ዋጋ፣ ከይንከውን ዕደጋ!” በህለት፡ “እሰሌማይ ወክሰተናይ ወድ አውለት ወቀላቅል ጎማት ናይ አባይ ኢንሀበ ዐውል፣ እግል ኢንግበእ ሱቅ ቃፍል” ተ ትብል ለዐለት።

ላመ ሔልያይ አልአሚን ከትብዩ ሐልዮት “ዐምሳት ህሌት ውላደ ለአርኤኒ” ሰውረት ኤረትርዮ እት ትደቀብ ክም ንሰት ወክል ዮምክ ከበር ዎሮት እብ እንትሳራት ትደገመ ቤለዩ።

“ሰብዬ ተአከዮ ደሕሩኒ፣ ጋሽ ብእዬ ዳሳት አታክሉኒ።”

እለ ህዬ ሔልያይ አልአሚን ላመ እብ ትግሬ ልትከተብ ዐለ ሐልዮት ናሱ ከትቡ ወእብ ትግርኛ ንጉሴ ሀይሌ ፍርቀት (ማትአ) እብ አሰባብ እሊ ትሩድ ሔልያይ አልአሚን ዐብዱለጢፍ ወለ ፈዳብ ሻዕር ንጉሴ ሀይሌ መንሰዓይ እብ ከጥ ወጠኒ እግል ትሄርር አቅደረወ። እለ ፍርቀት እላመ ዝያድ ክለን ፍረቅ ትትፈቴ እቡ ለዐለት ጋር እብሊ ወጠንያይ ሐልዮተ ሌጣቱ። ፍርቀት መርሐቤ፣ እለ ፍርቀት እለ እግል ሀድዮት እንዴ ቤለው ሔልያይ አልአሚን ወመለሀዩ ንጉሴ አሰሰወ። እለ ፍርቀት እለ ህዬ ፍርቀት (ማትአ)፣ (መፍአ) ክምሰል ትፈንጠረት ተአሰሰት። ወእብ እትጃህ ሕኩመት አቶብዩ ዋጀሆም ለዐለ መሻክል አጊድ እግል ትብጠር ቀድረት። እት ሰነት 1972 ጀብሀት ተሕሪር ኤረትርዮ ዐመልዮት ፈዳኢዮን ወዴት ወለወቅት ሔልያይ አልአሚን ባዴዕ ገይሰ ዐለ። እት እቅባለቱ አሰክ አሰመረ እግል ልሰምዑ ልተምኔ ለዐለ ከበር ዐመልዮት ፈዳኢዮን ሰምዐ። እለ አምዕል እለ እት አሰመረ እብ ኢጽንሐቱ ምሰል ነፍሱ ትራገመ። ወእግል እለ ሕላዮት እለ ከትብ። ለሐን ሐዲሰ ሰበት ኢወደ እግል እበ ናይ ቡዲር ለሐን ፋጥመ ዛህረ እቡ ተሐሌት ወፋጥመ ዛህረ ዕልብ 03 ትበሀለት።

ላለይ ወላሌነ ላለይ ወላሌነ ሰላም ብለሲ
ዐደ እግል ትገኔሕ ወአግዋረ
ኖሼ ረኤኮሁ ለኣሱረ
ወደለ አመረ አድሕድ በሽረ።

ሔልያይ አልአሚን ዐብዱለጢፍ እብ አሰባብ እሊ ወጠንያይ ሐልዮቱ ሰቦ ዶል እት ሐብሰ አቱ ቱ። ወለበዝሐ ወቅት እት ሰጅን ለከልአዩ እት ሰጅን ዝ ያንደ እግል ሰቦ ወሬሕ ምሰል ዐዛብ ወአከይ መዓመለት ምስተዕምረት ቱ። እሊ ህዬ እበ እተ ወቅት ለሀይ ልተብዑ ለዐለው እግቡይ ፍትነት ወፈንጨጋርቱ እትሊ ዐዛብ እሊ ለትካረ። እግል መሰል፣ እሰታዝ አልአሚን እትሊ ሰጅን እሊ ምሰል ሙዲር መድረሰት ጃልዮት ለዐለ እሰታዝ ሙሰ አረሐ ትራከብ። እግልሚ እብ አከይ

መዓመለት ትትዓመለኒ ዐልከ ቤለዩ። ከትሰአለዩ፣ ሁቲመ እብ ጀሀቲ እንታመ እግልዬ እግል ሕኩመት እሊ ወእሊ ትቤ ቤለው እት ልብል ለእግሉ ዳጉሙ ዐለው። ወአልአሚን ለኢባህሉ እግሉ ደግመ እግሉ። ወእብለ እት ፍንጌ ክልኣት ለሙዲር በዐል ፍትነት ኣቲ ክምሰል ህለ ፈሀመው። ላኪን ኣክል ኣድሕድ እንዴ ኢልትዓፈው ኣልኣክረ ወእድንዩ ፈናተያሆም። እሊ ህዬ ኣሸዋክ ፍትነት ወኣከይ ኣል ሙስተዕምረት እት ፍንጌ ውላድ ሓቲ ዐድ ዘርእዉ ለዐለውቲ።

ሓቆ ምን ሰጅን ፈግረ ሙደርስ ሙስ ኣረሑ እብ ሻፍግ ኣሰክ ልጁእ ሰበት ኣተጀሀ ምሰል እሰታዝ ኣልአሚን እት መፋሀመት ኢበጽሐው። እትለ መደት ለሑልያይ ኣልአሚን ሰጁናም ምሰሉ ለዐለው ከረ እሰታዝ ሙስ ኣረሑ ወኣሰይድ መሐመድ እድሪስ ወገረዝማች ተክሌሀይማኖት ቡኸሬ እግል ልዘከር ቀድሮ። ኣሰክ ነክረ እንዴ ነሰአዎም ህዬ ሓቆ ኣከይ ኣል ኣረይ ሞት እት ሰጅን ገብኣው። እብ ኣሰባብ ወጠንያይ መባጥሮም ሓቲመ ዘንብ ለኣለቦም ላጽኣም ኤረትርዩን ኣረይ መስተዕምረት ገብኣው። ኣልአሚን ምን እሊ በክት-ሞት ወክርበት እሊ እግል ልድሐን ለቀድረ፡ ብእስ ሕቲ ረሸውት ሰበት ህበ እግሉቲ እንዲኢኮን፡ ብዕድ ሓቲመ ደሐን ይዐለት እግሉ። ልተላሌ